

Martes, 30 de setembro de 2025

Núm. 186

ADMINISTRACIÓN LOCAL**MUNICIPAL****VIGO****Outros documentos, notificacións e informacións públicas**

MODIFICACIÓN DA DELEGACIÓN DE COMPETENCIAS ESPECÍFICAS DO ALCALDE NO SEGUNDO TENENTE ALCALDE E CONCELLEIRO DE ÁREA DE GOBERNO DE FOMENTO, SERVIZOS E DEPORTES

ANUNCIO

En data 25 de setembro de 2025 ditouse a seguinte Resolución da Alcaldía:

"DECRETO DO ALCALDE

MODIFICACIÓN DA DELEGACIÓN DE COMPETENCIAS ESPECÍFICAS DO ALCALDE NO SEGUNDO TENENTE ALCALDE E CONCELLEIRO DE AREA DE GOBERNO DE FOMENTO, SERVIZOS E DEPORTES.

Trala modificación da estrutura da administración municipal (2023-2027) por Resolución da Alcaldía de data 25 de setembro 2025 procede modificar a Resolución de delegación de competencias específicas nos titulares das Concellerías de Área de Goberno e Concellerías Delegadas.

Concretamente atribúese ao concelleiro de Área de Goberno de Fomento, Servizos e Deportes a competencia en materia de planificación e execución da Estratexia de Desenvolvemento Urbano Sostible e Integrado "Vigo Vertical". O concelleiro delegado de Área ten atribuída, en materia de fomento, a xestión dos edificios de titularidade municipal nos adscritos as distintas áreas ou servizos. Razóns de eficiencia no funcionamento e mantemento dos edificios municipais aconsellan reforzar a coordinación das competencias en materia do Auditorio do Mar de Vigo e delegar no Segundo Tenente de Alcalde e Área de Goberno de Fomento, Servizos e Deportes a súa xestión.

Así mesmo, como consecuencia da delegación no concelleiro de Área de Goberno de Parques e Xardíns, Comercio, e Festas Especiais da competencia en materia da xestión e tramitación dos proxectos e expedientes de contratación en materias propias que afecten a parques, xardíns e zonas verdes procede modificar a delegación de competencias en materia de fomento.

Polo exposto, no uso da potestade de dirección do goberno e das organizativas e estruturais que, en relación coa Administración Municipal, ostenta esta Alcaldía –art. 124.4 Lei 7/1985, Reguladora das Bases de Réxime Local- e de conformidade co previsto nos artigos 43 e seguintes



Martes, 30 de setembro de 2025

Núm. 186

do RD 2568/1986, do 28 de novembro, polo que se aproba o Regulamento de Organización, Funcionamento e Réxime Xurídico das Corporacións Locais esta Alcaldía, RESOLVE:

PRIMEIRO.— Delegar no Segundo Tenente de Alcalde e Área de Goberno de Fomento, Servizos e Deportes as seguinte atribución do Alcalde, xunto coas competencias xenéricas atribuídas por Decreto da Alcaldía de data 20 de xuño de 2023 e sen prexuízo das competencias delegadas especificamente noutros órganos

a) En materia de fomento.

Obra pública municipal:

1. A xestión e tramitación dos expedientes de contratación administrativa de obra pública municipal, agás os relativos a parques e xardíns e zonas verdes municipais e a contratación menor que será realizada por cada área xestora
2. A tramitación dos expedientes de redacción de proxectos de forma directa, ou a través de expedientes de contratación administrativa, para a execución de obra pública agás os relativos a parques e xardíns e zonas verdes municipais.
3. A proposta e execución de obras públicas municipais e coordinación cos distintos servizos municipais.

Vías e Obras:

1. Mantemento do firme do viario de titularidade municipal.
2. Mantemento de esculturas, estatuas e demais elementos ornamentais instalados nos espazos e vías públicas municipais.
3. A revisión, informe e proposta de recepción dos proxectos de urbanización, tanto de iniciativa pública como privada, que posteriormente pasarán a ser de conservación municipal.

Vigo Vertical

1. Planificación e execución da Estratexia de Desenvolvemento Urbano Sostible e Integrado "Vigo Vertical".
2. Mantemento dos elementos mecánicos de mobilidade nas vías ou espazos públicos municipais e proposta de mellora na prestación de servizos de mantemento dos elementos "Vigo Vertical".

Oficina de Supervisión de Proxectos, Inspección Técnica de Obras e Asistencia Técnica Municipal:

1. Dirección e xestión da oficina de supervisión de Proxectos, Inspección Técnica de Obras e Asistencia Técnica Municipal que realizará as función de supervisión, informe, proposta técnica de expedientes dos diferentes servizos municipais e as que legalmente lle sexan atribuídas ou como consecuencia de instrucións municipais.

Pode verificar a integridade deste documento no seguinte enderezo:
<https://sede.depo.gal>
Código seguro de verificación: HAKBN3D7N4SNNDPU



Martes, 30 de setembro de 2025

Núm. 186

Electromecánicos:

1. Xestión do alumado público de titularidade municipal.
2. A supervisión e informe dos proxectos técnicos de alumado público
3. O control, estudo e supervisión da facturación xirada polas compañías subministradoras de enerxía eléctrica procurando a optimización das tarifas, coordinando este proceso cos servizos xestores das diversas instalacións municipais.
4. A planificación e coordinación cos diversos servizos xestores das instalacións municipais que demanden subministro de enerxía eléctrica para a contratación e alta de novos subministros.
5. Estudos de aforro enerxético optimizando e calibrando os consumos.
6. Mantemento e reparación das instalacións e dos equipos de bombeo nas fontes ornamentais públicas.
7. A realización e aplicación de programas para o mantemento e conservación das instalacións eléctricas da Casa Consistorial.
8. Inspeccionar permanentemente o funcionamento dos servizos de mantemento de Electromecánicos que sexan xestionados indirectamente por empresas concesionarias co obxecto de garantir a súa prestación de acordo co previsto nos pregos de condicións que rexen no contrato.

Parque Móbil:

1. Control e supervisión da ordenación, xestión e administración da flota de vehículos do Parque Móbil municipal, agás os que se atribúan a outros servizos.
2. Xestión dos almacéns de materiais e reparacións e mantemento da flota municipal a través do taller mecánico do Parque Móbil.

Ciclo da auga:

1. A xestión e tramitación das actuacións necesarias no ciclo integral da xestión da auga, tales como mantemento, conservación e no seu caso construción das redes de infraestruturas de abastecemento, evacuación e depuración de augas, así como calquera actuación relacionada co servizo.
2. Planificar a estratexia, o desenvolvemento e o financiamento dos Plans Directores de Abastecemento e Saneamento que se poidan contemplar no planeamento xeral e demais instrumentos de ordenación previstos na lexislación urbanística.

Parque Central:

1. Dirección e xestión do parque central e dos persoal adscrito a dito servizo
2. Xestión, vixilancia e mantemento das instalacións, servizos e espazos do Parque Central,



Martes, 30 de setembro de 2025

Núm. 186

3. Xestión dos almacéns de materiais de servizos de Vías e Obras, Xardíns, Electromecánicos e Limpeza.

Dos edificios de titularidade municipal nos adscritos as distintas áreas ou servizos.

1. Xestionar as actuacións encamiñadas ao mantemento e conservación que requiran os edificios de titularidade municipal non adscritos a servizos específicos e de forma especial do edificio da casa consistorial
2. Xestión e control de consumos de auga e enerxías dos edificios de propiedade municipal non adscritos a servizos específicos. Adaptando ou propoñendo a adopción de medidas que se estimen procedentes para unha mellora nos consumos e na economía do gasto.
3. Xestión e control dos servizos de limpeza dos edificios de propiedade municipal non adscritos a outros servizos.
4. Planificar e xestionar as accións precisas para garantir a conservación, mantemento, reparacións, limpeza e control do Auditorio ao aire libre de Castrelos.
5. Xestión das obras e mantementos necesarios no Estadio Municipal de Balaídos, Campo de Fútbol da Madroa e Barreiro.
6. A xestión patrimonial, de obras e mantemento dos espazos que conforman o Auditorio Pazo de Congresos “Mar de Vigo”.

b) En materia de servizos

Seguimento de empresas concesionarias de servizos públicos:

1. Coordinar as diferentes áreas na inspección permanente do funcionamento dos servizos xestionados indirectamente por empresas concesionarias para garantir a súa prestación de acordo cos correspondentes pregos de condicións que rexen en cada contrato, impulsando para estes efectos, o funcionamento eficaz da servizo de Control de Empresas Concesionarias, dotándoa convenientemente de medios materiais e persoais.
2. Xestión, coordinación e tramitación dos contratos de xestión indirecta de servizos públicos: complexo polideportivos, piscinas cubertas.

c) En materia de limpeza, recollida e xestión de Residuos sólidos urbanos.

1. Inspeccionar, controlar e xestionar todo o relativo a:
 - a) Recollida selectiva (papel, cartón, envases, plásticos, vidro, etc.)
 - b) Recollida de residuos sólidos urbanos
 - c) Limpeza viaria e de praias.
 - d) Limpeza da Casa Consistorial.
 - e) Instalación, mantemento e reposición de colectores e papeleiras.



Martes, 30 de setembro de 2025

Núm. 186

- f) Traslado á planta de transferencia de Guixar e transporte a SOGAMA dos RSU e residuos de envases.
 - g) Limpeza de camiños no rural e de fincas municipais.
 - h) Mantemento da estación Biogás e da superficie da cuberta do vertedoiro do Zondal.
2. Inspeccionar permanentemente o funcionamento dos servizos de mantemento que sexan xestionados indirectamente por empresas concesionarias co obxecto de garantir a súa prestación de acordo co previsto nos pregos de condicións e pregos de prescricións técnicas que rexen no contrato.
- d) En materia de transporte.
- 1. Planificar, dirixir e executar a política municipal en materia de transporte urbano.
 - 2. Ditar as disposicións que esixa o funcionamento dos servizos de transporte urbano colectivo de viaxeiros e o control do servizo.
 - 3. As competencias atribuídas a esta Alcaldía no artigo 4 da Ordenanza Municipal reguladora do taxi na Cidade de Vigo
 - 4. Resolución das cuestións en materia de transporte interurbano ou metropolitano que afecten á cidade.
 - 5. Xestionar o mobiliario urbano.
 - 6. Regulación, resolución e control das cuestións relativas ao transporte escolar.
 - 7. Xestión dos aparcadoiros soterrados públicos da cidade.
 - 8. Inspeccionar permanentemente o funcionamento dos servizos de mantemento que sexan xestionados indirectamente por empresas concesionarias co obxecto de garantir a súa prestación de acordo co previsto nos pregos de condicións e pregos de prescricións técnicas que rexen no contrato.
- e) En materia de inversións.
- 1. Xestionar o Programa Municipal de coordinación, planificación, seguimento e avaliación dos proxectos financiados cos fondos do Plan de Recuperación, Transformación e Resiliencia
 - 2. Xestionar os programas con financiación procedente da Unión Europea.
- f) En materia de Deportes.
- 1. O deseño, programación, desenvolvemento e execución da política deportiva municipal mantendo, para os efectos, relación con organismos, clubs, entidades e institucións públicas e privadas para a correcta execución da dita política.
 - 2. Relacións coa Fundación Vigo en Deporte (VIDE),



Martes, 30 de setembro de 2025

Núm. 186

3. Dirixir e xestionar as actuacións necesarias para o mantemento e conservación das instalacións deportivas municipais, agás as atribuídas a concellería da Área de Goberno de Fomentos e Servizos.
4. Coordinar a actividade deportiva municipal cos clubs e entidades deportivas existentes no Municipio.
5. Autorizacións das probas deportivas, marchas ciclistas e outros eventos deportivos en vías públicas.
6. Dirección e xestión do Marisquiño.

CUARTO.— Delegar na Concelleiro delegado de Deportes baixo a dirección e coordinación da concelleira de área de goberno e nos termos da presente resolución e na resolución de data 20 de xuño de 2023 as competencias en materia de deportes establecidas no presente decreto.

QUINTO.— Os actos ditados polos concelleiros/as titulares de área de goberno que se adopten por delegación indicarán expresamente esta circunstancia así como a data da súa publicación no Boletín Oficial da Provincia de Pontevedra e consideraranse ditadas polo órgano delegante nos termos sinalados pola Lei 40/2015, do 1 de outubro, de Réxime Xurídico do Sector Público.

SEXTO.— Deixar sen efecto todos os decretos do Alcalde que se opoñan ou contradigan ao establecido no presente decreto.

SÉTIMO.— Notificar a presente Resolución a todos/as os concelleiros/as.

OITAVO.— Comunicar a presente resolución ás persoas responsables dos diferentes servizos e áreas municipais para o seu coñecemento e efectos mediante a súa inserción na Intranet municipal.

NOVENO.— O presente acordo entrará en vigor no mesmo momento da súa sinatura sen prexuízo da súa publicación no Boletín Oficial da Provincia, publicándose así mesmo no portal de transparencia aos efectos do disposto no artigo 6 da Lei 19/2013, de 9 de decembro, de Transparencia, Acceso á Información Pública e Bo goberno.

DÉCIMO.— Deste acordo darase conta de forma individualizada ao Pleno da Corporación para os efectos de que quede informado da mesma, ao abeiro do disposto no artigo 38 do Real Decreto 2568/1986.”

Vigo na data de sinatura dixital.

O alcalde-presidente, Abel Caballero Álvarez.

